

26 Dec. 2025

समे 18:15 Hrs

<><><><><><>

Headlines

- राष्ट्रपति द्रौपदी मुर्मू हो'रें "वीर बाल दिवस" दे मौके उप्पर "प्रधानमंत्री राष्ट्रीय बाल" पुरस्कार भेंट कीते।
- प्रधानमंत्री श्री नरेन्द्र मोदी हो'रें "वीर बालदिवस" दे मौके पर 20 राष्ट्रीय बाल पुरस्कार जेतूएं कन्नै गल्लबात कीती।
- लैफ्टिनेंट गवर्नर मनोज सिंहा हो'रें "वीर बाल दिवस" दे मौके पर साहिबजादे बाबा ज़ोरावर सिंह ते बाबा फतेह सिंह जी हो'रें गी शरदांजलि दिती।
- जल शक्ति मंत्री जावेद राणा हो'रें पुंछ जिले च विकास-बादे आले कम्में दा जायजा लैता ते बक्ख-बक्ख योजनाएं गी तेजिया कन्नै अगै बधाने दा आह्वान कीता।
- ते अनंतनाग जिले च आतंकवादियें दी संदिग्ध गतिविधियें करी बड्डे पैमाने उप्पर तपाशी अभियान जारी।

<><><><><><>

Prez- Bal Puraskar

राष्ट्रपति द्रौपदी मुर्मू हो'रें अज्ज नमीं दिल्ली च "वीर बाल दिवस" दे मौके उप्पर प्रधानमंत्री राष्ट्रीय बाल पुरस्कार भेंट कीते। इस ब'रे 18एं राज्यें ते केंद्र शासित प्रदेशें दे 20 बच्चें गी उ'दी उत्कृष्ट उपलब्धियें लेई सम्मानत कीता गेआ ऐ। इस मौके उप्पर राष्ट्रपति मुर्मू हो'रें आखेआ जे एह पुरस्कार, इ'नेंगी हासल करने आहलें गी ते प्रोत्साहित करडन गै कन्नै गै देश भरै दे बच्चें गी बी प्रेरित करडन। ध्यानजोग ऐ जे पुरस्कार हासल करने आहले बच्चें दलेरी, कला ते संस्कृति, पर्यावरण, नमिएं काहडें ते विज्ञान ते तकनीकें सने होरनें बक्ख-बक्ख खेत्तरें च असाधारण जोगदान दिता ऐ। इस मौके पर अपने संबोधन च राष्ट्रपति द्रौपदी मुर्मू हो'रें आखेआ

<><><><><><>

PM-Veer Bal Diwas

प्रधानमंत्री नरेन्द्र मोदी हो'रें आखेआ ऐ जे मुख्य अज्ज साहिबजादे दे बेजोड़ दलेरी ते बलिदान गी चेत्ता करा'रदा ऐ, जेहडे देशै दा गौरव ना। उ'नें आखेआ जे पिच्छले च'उं ब'रें च वीर बाल दिवस ने साहिबजादे दिएं प्रेरणाएं ते बलिदानें गी युवा पीढ़ी तगर पुजाया ऐ। अज्ज नमीं दिल्ली दे भारत मंडपम च वीर बाल दिवस पर आयोजित राष्ट्रीय कार्यक्रम गी संबोधित करदे होई प्रधानमंत्री हो'रें एह गल्ल आखी। प्रधानमंत्री हो'रें आखेआ जे साहिबजादे

भारत दे अदम्य साहस ते वीरता दे सर्वोच्च आदर्श दी मिसाल ना। श्री मोदी हो'रें आखेआ जे साहिबजादे, उम्मी दिएं सीमाएं गी त्रोज़ियै जालिम मुगलें दे सामने चट्टान आहला लेखा खड़ोते दे रेह। प्रधानमंत्री हो'रें आखेआ जे माता गुजरी जी, श्री गुरु गोबिंद सिंह जी महाराज ते चौनें साहिबजादे दी हिम्मत ते आदर्श हर भारती गी ताकत दि'दे ना। उ'नें आखेआ

<><><><><><>

LG Tributes Sahibzade

लेफ्टिनेंट गवर्नर मनोज सिन्हा हो'रें वीर बाल दिवस दे मौके पर अज्ज श्री गुरु गोबिंद सिंह जी महाराज हुं'दे निक्के पुत्तरे साहिबजादे-बाबा जोरावर सिंह जी ते बाबा फतेह सिंह जी हो'रें गी श्रद्धांजलि भेंट कीती। एलजी सिन्हा हो'रें इस सरबंध्यै च सोशल मीडिया पर जारी इक स्नेह च आखेआ जे ओह साहिबजादे गी श्रद्धांजलि भेंट करदे न, जिंदी दलेरी ते कुर्बानी, प्रेरणा दा स्रोत ना। एल.जी हो'रें आखेआ जे माता गुजरी जी हुं'दी शक्ति ते श्री गुरु गोबिंद सिंह जी हुं'दी महान शिक्षा, लगातार मनुक्ख जाति दा मार्गदर्शन करदी ऐ ते असें सबनें गी बरोबरी ते दया भावना दे सिद्धांतें गी अपनाने लेई सदा प्रेरित बी करदी ऐ।

<><><><><><>

Railway Fare Rationalization

रेलवे नै अज्जै थमां अपने कराये गी युक्तिसंगत बनाने लेई गैह पुट्टी ऐ। नमें सिरेआ तैय कराये आहली बवस्था मुजब, आम श्रेणी आहले वर्ग च 215 किलोमीटर तगर दे सफर लेई लगने आहले कराये च कोई बाढ़ा नेई कीता गेआ ऐ। 215 किलोमीटर थमां बढ़ आहले सफर लेई, हर किलोमीटर स्थाबै इक पैसा बधाया गेआ ऐ। बिजन ए.सी. आहिलएं ते कन्नै एक्सप्रेस रेलगड्डिएं च इस कराये च 2 पैसे फी किलोमीटर स्थाबै बाढ़ा कीता गेआ ऐ। रेलवे नै ए.सी. श्रेणी च हर किलोमीटर स्थाबै 2 पैसे दा बाढ़ा कीता ऐ। एहदे च इब्बी दस्सेआ गेआ ऐ जे अद्-शैहरी ते म्हीनावार सीजनल टिकटें दे पैसें च बी कोई बाढ़ा नेई कीता गेआ ऐ।

<><><><><><>

Consumer Day

किश्तवाड़ दे जिला कनूनी सेवा प्राधिकरण (डी.एल.एस.ए) नै जिला अदालती परिसर च ग्राहकें सरबन्धी ध्याड़ें दे मौके पर जागरुकता कार्यक्रम दा आयोजन किता। एह कार्यक्रम जिला कनूनी सेवाएं दे चेयरमैन सुधीर खजूरिया ते प्राधिकारी ते प्रधान सत्र न्यायधीश हुंदी अगुआई च करोआया गया ते इस कार्यक्रम दी दिक्ख-रिक्ख डी.एल.एस.ए किश्तवाड़ दी सचिव मीरा बनगोत्रा हो'रें कीती। एहदे च कनून दे खेत्तर कन्नै जुड़े दे केई सदस्य जिंदे च JMIC किश्तवाड़ दे करण बिजयाल समेत होर लोक बी शामिल होए। इस अवसर उपपर ग्राहकें गी उन्दे हकें ते जिम्मेदारियें बारे जागरुक किता गया।

<><><><><><>

ते हुन बाकि दिएं खबरें कन्नै सोनाली दत्ता :-

Rana –Davp Works

जिला पुंछ च विकास आहले कम्मं च बढ़ौतरी करने लेई जलशक्ति- जंगलात- पर्यावरण ते जनजातिय मामलें दे मंत्री जावेद अहमद राणा होरें जिले च विकास आस्तै चला'रदे कम्म-काजें दा जायजा लैने आस्तै वर्चुअल ढंगे कन्नै बैठक रक्खी। इस बैठक च जिले च माली बरे 2025-26 दरान सब्बै खेतरे- अभियानें ते विकास नीतियें करी होई दीयें वित्तिय ते ठोस उपलब्धियें दा जायजा लैता गया। इस बैठक दौरान- राणा होरें समैबद्ध तरीके कन्नै लक्ष्य पूरे करने दी जरूरतै उप्पर जोर भरेया।

<><><><><><>

Search Op Anantnag

जम्मू-कश्मीर पुलिस दे बशेश कार्रवाईएं सरबन्धी समूह – एस.ओ.जी दे अनंतनाग युनिट आसेआ अनंतनाग दे मीर दनतेर ग्रांS च संदिग्ध आतंकवादिएं दी नक्लोहरकत दे मद्देनज़र उत्थे घेराबंदी ते तपाशी अभियान चलाया गेआ। इस दरान सुरक्षाबलें जवानें आसेआ घर-घर जाइयै उत्थे तलाशी लैती गई ते ग्रांS शा बाहर जाने आहले सबनं रस्तें गी सील करी दित्ता गेआ- तांजे संदिग्ध आतंकवादी उत्थुआं बचियै नस्सी नेई सकन। उ'आं खीरी जानकारी थोने तगर सुरक्षाबलें दा अभियान जारी हा पर कुसै किस्मै दी कोई कामयाबी हत्थ नेहा लग्गी दी। सरबन्धत अधिकारिं, मुकामी लोकें गी गुजारिश कीती ऐ जे ओहू घाब्वरन नेई ते सुरक्षाबलें दा सैह्योग करन कीजे सुरक्षाबलें दी कार्रवाई दा मकसद खित्ते च रमानदारी ते सुरक्षा स्थिति गी बरकरार रक्खना ऐ।

<><><><><><>

Jt Search Op

सीमा सुरक्षा बल – बी.एस.एफ ते पंजाब पुलिस दे जवानें पठानकोट जिले दे पहाड़ीपुर ग्रांS दे अंदरूनी इलाकें च सांझा तपाशी अभियान चलाया। एहदा मकसद थेहारबंद बलें दिएं कार्रवाईएं सरबन्धी तालमेल च बाद्दा करियै इलाके च गलबे गी बदाना ते बन्ने दी सुरक्षा गी निगगर करना ऐ। तोआई पाकिस्तान आहली बक्खी दा आतंकवादी घुसपैठ दी शेंका दे मद्देनज़र जम्मू च अंतरराष्ट्री बन्ने ते गोआंडी पंजाब राज्य दे अगेत्रे जिलें च बी सुरक्षाबलें निगरानी सख्त करी दित्ती ऐ ते सुरक्षाबलें गी हाई-अलर्ट पर रक्खेआ गेदा ऐ। जम्मू खित्ते दे जम्मू, साम्बा ते कठुआ जिलें सने गवांडी राज्य पंजाब दे बन्ने आहले जिलें च मती सतर्कता बरती जा'करदी ऐ तांजे खराब मौसम ते घनी धुंध जेह हालात दा फायदा ठोआइयै आतंकवादी, इस बक्खी घुसपैठ नेई करी सकन।

<><><><><><>

Plantation Drive- Doda

“जम्मू-कश्मीर-ग्रीन” अभियान दे चलदे- सोशल फारेस्ट्री मैहकमे नै डोडा दे डी.सी दफ्तर काम्पलैक्स च बूहटा लाने आस्तै इक्क अभियान चलाया। डी.सी. हरविंदर सिंह हुंदी प्रधानता च इस पैहलकदमी गी करोआया गया ते बक्ख-बक्ख बूहटे इस दौरान लोआए गे। एहदा मकसद पर्यावरण गी बचाना ऐ। बक्ख-बक्ख मैहकमें थमां अधिकारियें इस अभियान च हिस्सा लैता- तां जे डोडा जिले च साफ-सफाई ते हरियाली रवै। मीडिया कर्मियें

कन्नै गल्ल करदे होई डी.सी. हरविंदर सिंह होरें आम लोकें गी अपील कीती ऐ जे ओह जंगलें गी बचान ते अग्नै आइयै बूहटे लान। इस बारे गल्ल करदे होई उनें आखेया

<><><><><><>

Labour Deptt. Ramban

श्रम विभाग आसेआ रामबन च संगठित ते गैर संगठित खेत्तर दे कम्मगारें लेई केंद्र सरकार आसेआ चलाई जा'रदी बक्ख-बक्ख योजनाएं तैह्त्त समाजी सुरक्षा, शिक्षा, डॉक्टरी दिक्खभाल ते माली मदद उपलब्ध करवाने बक्खी टकोह्दा ध्यान दित्ता जा'रदा ऐ। इस्सै चाल्ली दी इक योजना प्रधानमंत्री श्रम योगी मान धन स्कीम दे तैह्त्त गैर संगठित खेत्तर दे ओकड़े कम्मगारें जिंदी इक म्हीने दी औंदन 15 ज्हार रपे तोड़ी ऐ, उ'नेंगी 60एं ब'रें दी उम्री दे बाद हर म्हीने घट्टोघट्ट त्रै ज्हार रपे दी पेंशन दा लाह उपलब्ध करवाया जा'रदा ऐ। एह्दे अलावा प्रधानमंत्री जीवन ज्योति बीमा योजना बी योग्य लाभार्थीएं लेई बड़ी कारी दी साबत होआ'रदी ऐ। इस सरबंध्यै च होर जानकारी देया'रदे न रामबन दे असिस्टेंट लेबर कमीशनर अमित कुमार

<><><><><><>